

外科正宗
江



南京中医药大学图书馆版权所有

重訂外科正宗卷之九

楊梅瘡論第二十六

武棟

夫楊梅瘡者以其形似楊梅又名時瘡因時氣乖變邪氣湊襲又名綿花瘡自期綿綿難絕有此三者之稱總由溼熱邪火之化但氣化傳染者輕精化慾染者重故氣化乃脾肺受毒其患先從上部見之皮膚作癢筋骨不疼其形小而且乾精化乃肝腎受毒其患先從下部見之筋骨多疼小水澁淋其形大而且硬如氣化者毒在皮膚未經入裏宜服萬靈丹洗浴發汗解散皮膚之毒精化者毒在骨髓未透肌膚宜服九龍丹通利大小二便以消骨中之毒甚者二服皆可行散之後體實者升麻解毒湯體弱者歸靈內托散服至筋骨不疼瘡根淡白內毒已解方用點藥輕者半年重則一載始方得愈如患者不遵此法欲其速愈妄用薰條擦藥哈咬

等法往往致成後患者多矣患者熟思之

楊梅瘡看法

初起無頭疼筋骨不作痛小水無澁淋瘡乾細者輕已生頭面稀
口角無瘡項下胸背雖多穀道無可初生瘡發下疳次生魚口復作
筋骨疼痛瘡發非祥瘡生紅紫堅硬手足多生形如湯潑泡狀害非
輕淺

楊梅瘡治法

初起先從澁淋次傳筋骨作疼後發其瘡亦宜攻利生後外無疳瘡
內無筋骨作痛時氣所感者微散之瘡從交媾不潔乃生下疳小水
澁滯不通當行導利上部作瘡瘡多消風清熱下部作疼瘡甚瀉溼
為先紅紫毒盛瘡高涼血解毒淡白毒輕瘡薄攻補兼行手足皮膚
枯槁鵝掌風生栢菜二礬煎湯薰洗即好頭髮眉毛脫油風何須說



神應養真丹早服稀疎脫點點楊花癩片片癩風瘡宜服換肌丸效
應如同掃

楊梅瘡治驗

一男子患此兩月餘自服敗毒涼劑不應筋骨疼痛尚在此表裏寒
涼滯沉難出必以辛熱發之用萬靈丹葱酒煎服洗浴蓋之先出
冷汗如雨次出熱汗疼痛減其大半以歸靈湯服至月餘瘡勢始
定又以萹薢湯兼補中益氣湯又兩月餘而始痊愈

一男子小便白濁作痛次出疳瘡發腫作爛筋骨微痛予曰欲發時
瘡彼不爲信請他醫以薰藥照之雖然疳瘡稍愈而筋骨更疼頭
脹欲破又復請治其時紅點滿面此火氣鬱遏難出先用黃連解
毒湯二服瀉其火毒次以蟾酥丸發汗使毒透出肌表已後紅點
漸漸爲瘡筋骨頭疼從此漸減以加味遺糧湯服至兩月瘡始出



盡骨疼方止又以解毒天漿散相兼服至百日其瘡始退又百日而平

一女入丈夫生瘡所龍筋骨至疼遇晚寒甚以人參敗毒散四劑其寒乃退疼尚不止又以萬靈丹發汗二次方出點如豆大頭面及背肉無餘際此毒之盛也以防風通聖散二劑通利大小二便去硝黃加皂角針金銀花又十餘劑其瘡漸大小者如錢大者若杯氣穢作爛起坐不堪外以石珍散摻爛上結疤又爛又摻內服加味遺糧湯兩月餘瘡始漸乾輕者收斂而脫重者又半年方得痊愈矣

一庠生患此月餘乃求速愈予曰此患非他恙所比若速愈必遺毒於後曰辭不敢治更醫對曰半月全愈後亦無患因喜不勝用水銀膽礬等藥捺擦手足二心半月內其瘡果愈隨後骨疼諸藥不

應半年後內毒方出作爛疼不堪言遍腿相串並無一空又二年
 腿脚曲而不直後成疲疾終身又兼耳聾至不相聽又一人嫖妓
 生瘡筋骨疼痛予曰升發方可彼欲內消請他醫以丸藥七圓每
 用一圓置炭上燃著以口吸烟至三圓鼻流鮮血至夜而死又
 妓者患此欲其速愈以照藥毒之三日後吐鮮血數盆亦死此求
 速愈首取危亡者無怨

楊梅瘡主治方

加味遺糧湯

加味遺糧湯木瓜
 蘇皮皂子靈仙箬

芎歸防朮木銀花
 木通甘草共參誇

治楊梅瘡初起筋骨疼痛及已成數月延綿不已并楊梅風毒誤
 服輕粉癱瘓骨疼不能動履

川芎

當歸

防風

薏苡仁

木瓜

金銀花

木通

白蘚皮

蒼朮

威靈仙

各一錢

甘草

五分



皂莢子五個切片微炒

仙遺糧二人參瘡久氣虛者加

水二碗煎八分量病上下食前後服腿腳之下加牛膝一錢病淺

多一月可退病深者百日可痊忌牛肉燒酒海腥煎炒此瘡發時

多先起於下疳若以此方預服之可以止其不發梅瘡也

解毒天漿散解毒天漿散角針

二防藤皮藤風藤瓜蛻米仁土茯苓

治楊梅瘡不問新久遍身潰爛及筋骨作疼者

天花粉錢二防風

防已

皂角針

白鮮皮

連翹

川芎 當歸

海風藤

木瓜

金銀花

蟬蛻

米仁錢各一甘草錢五

土茯苓兩二牛膝下部加

水二鍾煎八分臨服入酒一杯量病上下服之

升麻解毒湯升麻解毒湯傳易

去病應知卻不難那怕多年結毒頑

治楊梅瘡筋骨疼痛久而不愈及治遠年近日流注結毒皮肉破



爛咽喉損破者並宜服之用升麻新鮮皂針各四錢上白上茯苓一觔項之以土加白芷咽內加桔硬胸腹加白芍肩背加羌活下部加牛膝各一錢用水八碗煎至四碗作四次一日服盡每次頓熱加麻油三茶匙和勻量病上下食前後服之瘡甚者不過十服

歸靈湯

歸靈湯中四物君
米仁參朮銀花粉

治楊梅瘡不問新久但元氣虛弱者宜服此藥金鑑名月靈內託散

木瓜防已白蘚皮
膝草靈仙土苓宜

川芎

當歸

白芍

熟地

米仁

木瓜

防已

天花粉

金銀花

白蘚皮

人參

白朮各二錢

甘草五分

威靈仙六分

牛膝下部加五分

土茯苓二兩

水三鍾煎二鍾二次量病上下食前後服之渣再煎八分服

防風必效散

防風必效散荆防
角針末通甘番白

槐蒼翹藤蘚芷銀
瓜粉大黃土茯苓

治楊梅瘡淫熱太盛瘡高稠密元氣素實者服

防風 防已 荆芥 白蘚皮 連翹 槐花

蒼朮 皂角針 海風藤 木通 白芷 花粉

木瓜 金銀花 蕃白草各一錢 甘草五分

土茯苓四兩 大黃三錢
初起加

水三碗煎二碗二次服渣再煎一碗服後飲酒一大杯即靜睡一時許更妙

金蟾脫甲酒

治楊梅瘡不拘新久輕重皆效好酒五斤用大蝦蟆一個浸酒封瓶口者煮一二枝取起待次日隨量之大小以醉為度冬夏蓋暖出汗為效存酒次日只服量之一半酒盡瘡愈又治楊梅結毒筋骨疼痛諸藥不效者更妙服酒七日後不可見風為要忌口及房事



百日絕根矣

翠雲散

翠雲散中用銅綠
濕用胆調乾未搽

膽礬輕粉石膏加
梅瘡一點便生疔

治楊梅瘡已服內藥根腳不紅瘡勢日退者用

銅綠

膽礬

各五錢

輕粉

石膏

煨各一兩

共研極細磁確收貯溼瘡乾搽乾瘡公猪膽汁調點三日點一次

其瘡自乾而愈

又點藥方

點藥方中用杏仁
猪胆汁調瘡上點

雄黃輕粉共相稱
敢教三日自承平

杏仁

四十九粒
去皮尖

雄黃

錢一

輕粉

錢三

先將杏仁搗細加雄黃輕粉細末再研勻猪膽調點

鵝黃散

鵝黃散用真輕粉
等分爲末搽爛瘡

石膏黃栢要稱准
楊梅腐痛最安穩

治楊梅瘡潰爛成片膿穢多而痰甚者宜用之

石膏

煨

輕粉

黃栢

炒



北京中医药大学图书馆版权所有

以上各等分爲極細末乾摻爛上即可生疤再爛再摻至盡乃愈
此解毒止痛收乾之效藥也

應用方

萬靈丹

黃連解毒湯 見腫瘍門

人參敗毒散

防風通聖散

見時毒門

蟾酥丸

見疔瘡門

補中益氣湯

見潰瘍門

九龍丹

見魚口門

神應養真丹

見鶴膝風門

祛風換肌散

見風癬門

栢葉二礬湯

見鷓鴣掌風門

結毒論第三十七

結毒者薰火收遏瘡毒而沉於骨髓毒又有未經薰擦見苗未久服

藥不多內毒未盡便用點藥收斂鬱遏毒氣者亦能致之發則先

從筋骨疼痛日後漸漸腫起發無定處隨便可生發在關節中則

損筋傷骨縱愈曲直不便發於口鼻則崩梁缺唇雖痊破形更相



發於咽喉者更變聲音發在手足者妨於行走原來苦楚一生毒
遺數代情閑一錯禍起百端初起筋骨冷痛金蟾脫甲酒發汗自
愈虛弱者芎歸二朮湯頭疼欲破者天麻餅子併吹鼻碧雲散年
餘流串筋骨不愈者五寶散虛弱潰爛疼痛不斂者十全大補湯
同土茯苓煎服初起筋骨痛甚者雷火針法已潰腐爛者解毒紫
金膏依法施治年遠毒盛者元武丹兼外搽靈藥年近毒淺者只
在百日自然可愈毋得再薰為禍傷人耳

已下看法治法俱照本論醫治自有條款不必重錄

結毒治驗

一男子薰藥之過六年後兩腿骨痛半年始腫以雷火針腫小者一
處腫大者三處針之七日後作膿腐潰內服仙遺糧湯兩月餘其
疼漸止腫亦漸消又兩月方得腐盡肌生更十全大補湯三月而

斂

一男子玉莖患此半年陽物已損七八遇一方士以薰藥照之患遂流血不止人似鬼形予曰毒發已傷元氣再加薰火一逼血得熱而妄行故去盆許此有限之物也恐其難保先以四物湯兼黃連解毒湯合而服之二劑其血乃止更八珍湯加麥冬五味子黃柏知母十餘服元氣乃定外以甘草湯浴洗患上以銀粉散搽之如此月餘氣血漸醒紅肉漸生陽物復長大半仍用前湯加土茯苓二兩前服此不捨其根本共約有四月之餘其疾乃愈

一男子患此頭疼欲破至夜尤甚苦楚不睡自以解毒藥治之俱不相應診之寸關脈細數而無方此虛陽之火上攻以補中益氣湯如上茯苓一兩服至三劑其疼漸止又十餘劑其疾全安而不再發



一男子患此自膝以下腐爛無空伏枕半年內以芎歸二木湯外以甘草白芷歸尾葱白煎洗三日一度以解毒紫金膏擦之如此三月餘漸漸而安惟足不能步履以史國公酒藥加土茯苓一斤浸者又服半年其足方能步履又一料行步亦然如舊

一婦人患此頭疼手腕俱痛診之脉滑而弦此痰毒相兼之病也以天麻餅子服之半月頭痛痊安又以二陳兼四物加紅花升麻黃芩服至月餘而愈

一男子頭額腐爛外搽解毒紫金膏內以萹薺湯兩月餘而斂又一
人小腿患之年餘仍以前藥而愈

一婦人咽間損壞半年湯藥難下幾死服結毒紫金丹外吹結毒靈藥一月內其疾痊安又一女人手膊頭背腫痛六七年不潰諸藥不應仍服前藥而安

一男子咽喉腐爛予以遺糧湯內服外用解毒生肌藥治之彼以為緩仍用薰藥照之口爛幾死大便純去黑血及遍身浮腫飲食不進肌破三月而死

結毒主治方

仙遺糧湯

仙遺糧湯荆芷防疾意靈仙碗膝草

銀花花粉葛苡當苓連翹共水煎膏

治楊梅結毒初起筋骨疼痛已破肌肉潰爛者

仙遺糧 即俗稱土扶苓是也

防風

荆芥

川芎

當歸

天花粉

金銀花

白蒺藜

薏苡仁

威靈仙

各一錢

山梔

黃連

連翹

乾葛

白芷

甘草

黃芩

各六分

牛膝

下部加

水三碗煎二碗量病上下食前後服渣再煎一碗服後飲酒一杯

忌牛肉火酒房事等件更妙



芎歸二木湯

芎歸二木湯防朴
水瓜皂刺猪精附

獨活參共口黃以仁
山甲銀通土茯苓

治楊梅結毒已成未成筋骨疼痛步履艱辛及潰後腐肉臭敗不能生肌收斂者宜服之並效

白朮

蒼朮

川芎

當歸

人參

茯苓

薏苡仁

皂角針

厚朴

防風

木瓜

木通

穿山甲

炒獨活各一錢

金銀花

二錢甘草

精猪肉

二兩土茯苓

水三碗煎一半量病上下服之渣再煎服

消風脫甲散

消風脫甲散紅花
楓子薄藤斜土菴

番白靈仙梔蛻瓜
翹通蒼朮草銀花

治楊梅結毒筋骨疼痛腐爛作臭氣血壯實者

水歌 十年十五半年五 四一六二十年來三十補

曰 縱然臭爛不堪聞

管教逢人再不吐

番白草

紅花

甘草

威靈仙

山梔

蟬蛻



連翹 皂角針 大楓子內薄荷 海風藤 金銀花

冬瓜皮 木通 蒼米各一錢 土茯苓四兩

水三碗煎二碗二次服用好酒一大杯過口渣再煎服

薰洗結毒方薰洗結毒方甚效 在是腐疼多徹骨 蒼米川椒共水煎 將來一洗即安痊

蒼木一兩點紅川椒三錢水五碗煎至四碗入罐內將患上對確

口以熱氣薰之半熱傾藥盆內淋洗患上以潔淨布搥乾擦後解

毒紫金膏

解毒紫金膏解毒紫金膏最易 搥紅只與松香等 取功奏效識應難 去腐生新加笑顏

治楊梅結毒腐爛作臭膿水淋漓諸藥不效者細塊搥紅明淨松

香各一斤共碾極細末麻油調稠先將患上用前湯薰洗潔淨搽

上此藥油紙蓋上以軟布條要扎至緊毋令血行三日一換如無

前湯薰洗只煎艾甘草等湯俱可洗 治諸毒頑賺等瘡神



效愈後忌發物煎炒

神仙碧玉膏

神仙碧玉膏朝腦乳香沒藥併白古

輕粉杭粉功不饒猪油調擦腐爛好

治結毒潰爛臭穢疼痛不斂及風癩等瘡俱效

又治凍瘡

輕粉一兩

杭粉二兩

白占五錢

乳香

沒藥各三錢

樟冰錢

用公猪淨熟油五兩同白占熬化傾入碗內入上藥和勻水內頓

一時取起臨用搥腳挑膏手心中擦化攤油紙上用葱湯洗淨瘡

對患貼之

五寶散

五寶散內用硃砂飛羅麵同滴乳石

琥珀珍珠冰片加土荅煎和腐結痂

治結毒筋骨疼痛腐爛口鼻諸藥不效者服之

滴乳石

如乳頭下垂敲破易碎亮似蜻蜓翅者方真四錢

琥珀

珍珠

硃砂

各二錢

冰片

一錢

右各研極細對準共為一處再研數百轉磁罐密收用藥二錢加



飛羅麵八錢再研和勻每用土茯苓一斤水八碗煎至五碗瀘清
 作五次每次加五寶散一分和勻量病上下服一日服完十服自
 愈如鼻子腐爛每日土茯苓內加辛荑三錢煎服引藥上下忌食
 海腥煎炒房事等件

結毒紫金丹

結毒紫金丹罕稀
 決明龜板砂等

此方原不欲人知
 米飯爲丸毒漸除

治遠年近日楊梅結毒筋骨疼痛日久腐爛臭敗不堪聞者或咽

喉唇鼻破壞諸藥不效者妙

龜板

放炭火上炙焦用新安酒漿濃筆蘸漿
 塗上反復炙塗三次以焦黃爲未二兩

石法明

用九孔大者煨紅
 童便內淬之一次

硃砂

明亮者各
 未二錢

共再碾極細爛米飯爲丸麻子大每服一錢量病上下食前後筋
 骨疼痛酒下腐爛者土茯苓湯下至重者四十日而愈此功力勝

於五寶散



結毒靈藥方

結毒靈藥方水銀加上杭粉共研末

硃砂雄黃硫黃稱摻於腐上效如神

治楊梅結毒腐爛作臭或咽喉唇鼻腐壞日甚者並效

水銀兩

硃砂

雄黃

硫黃各三錢

共碾細八陽城確內泥固鐵盞梁堦固緊封口點三香為度用水

擦盞內火畢次日取出盞底靈藥約有一兩五六錢治尋常腐爛

之症靈藥五錢輕粉五錢和勻碾細小確盛貯紗封確口臨用甘

草湯洗淨患上將確倒懸紗眼內篩藥患上用後單油膏藥蓋之

一日一換自效男子婦人咽爛者靈藥一錢加入中白二分研細

吹之日用三次內服不二散其疼即止隨可飲食

△ 硫黃不二散

硫黃不二散功奇加上旋花研細末

止痛除危效堪醫服之結毒力能移

治楊梅結毒發於咽內腐爛疼痛湯水難入者

硫黃一錢

旋花五分



共為細末涼水一大酒杯調服其疼即止飲食可用

鉛回散

鉛回散內藥蹊蹶
加上硫黃為未服

筋骨多疼功不饒
敢教若楚寂然消

治楊梅結毒筋骨疼痛朝輕夜重喜熱手按揉者用鉛半斤銅杓
內化開傾人水內將鉛取起再化再傾如此百遍鉛盡為度候半
日待水澄清傾去用鉢底內沉下鉛灰傾在三重紙上下用灰收
乾水氣取起晒乾與硫黃等分研細確收每服一錢溫酒調服至
重者不過三次即效

單油膏

單油膏藥用麻油
熬化成膏傾水內

杭粉將來漸漸投
護肌護藥不開流

貼結毒藥上用麻油二斤熬滴水成珠續下杭粉十三兩炒黃
攪勻成膏傾水內片時取起攤用

萹藤湯

萹藤湯蒲芷栝蒼
麻烏羌防參椒等

靈仙龜板草紅苳
結毒筋疼皆可嘗

治結毒筋骨疼痛頭脹欲破及已潰腐爛並效



川萸薜錢二 苦參

防風

生首烏各五錢

威靈仙

當歸

白芷

蒼朮

胡麻

石菖蒲

黃栢各

羌活

川椒各四分

龜板一錢五分

紅花二分

甘草五分

水二鍾煎八分臨服入酒一杯量病上下服之

碧雲散

次鼻碧雲散川芎再將青黛研為末

鵝兒不食草相同吹入鼻中神效功

治結毒入於顛頂以致頭疼脹痛如破者吹之

鵝不食草兩一

川芎兩一

青黛錢

共為細末患者口噙涼水以盧筒吹藥疼之左右鼻內取嚏為效

應用方

十全大補湯

補中益氣湯

四物湯

八珍湯

俱見潰瘍門

金蟾脫甲酒

見楊梅瘡門

天麻餅子

見頭痛門

雷火神針

見附骨疽門

史國公酒藥

見風濕門

二陳湯

見癰瘡門



黃連解毒湯

見疔瘡門

銀粉散

見下疳門

多骨疽論第三十八

多骨疽者由瘡潰久不收口乃氣血不能運行至此骨無榮養所
細骨由毒氣結聚化成大骨由受胎時精血交錯而結日後必成
此疽也但腎主骨宜服腎氣丸十全大補湯先補脾腎次用艾附
餅灸之令溫煖腐毒朽骨自然脫盡生肌斂口而愈

多骨疽治驗

一男子上脰腫痛月餘以散風清熱藥俱已不妨又兩月破流血水
百日外方出細骨大小三十餘塊以十全大補湯併吹生肌散兩
月餘而斂中有一小孔簪腳大通鼻透氣致難全斂為愈而不愈
也

一男子左手土臍結腫年餘方出爛斑破流稀膿延至半年方出多



骨一條如鵝膊骨一同長約四寸內服養血健脾藥外搽玉紅膏膏蓋又月餘而斂

一男子小腿正面腫骨腫痛二年諸藥不應此多骨瘡也後破出骨一塊肌肉腐爛元氣虛弱以十全大補湯加山茱萸牛膝木瓜服至兩月餘不斂每日以神燈照法將火氣助之又出朽骨一塊上有蛙眼數十孔以二骨炭火煨紅爲未入生肌藥中用之收斂問曰用骨者何此骨原稟氣血結成故用之復還元氣也後人聞之知理合天然之數矣

一女人左口上牙根突腫如粟堅硬如石不痛此多骨疽也藥亦不效後三年始痛破流臭膿後出多骨形如小鱉腫仍不退此骨未盡稍久又出小骨二塊枯色稜礮其腫方退以四君子湯加升麻陳皮外以甘草煎湯漱口生肌散日搽三次而收斂

多骨疽主治方

固本養榮湯

固本養榮湯四物
山萸白朮兼甘草

人參山藥併丹皮
肉桂黃芪五味宜

治骨疽已成骨不吐出或既出不能收斂由氣血之虛脾胃弱也
宜服之骨不出者自出不收斂者自斂

川芎

當歸

白芍

熟地

白朮

山藥

人參

牡丹皮

山萸肉

黃芪

甘草

肉桂

五味子

各五分

水二鍾薑三片棗二枚煎八分食前服

生肌散

生肌散內石膏丹
龍骨再如朝腦和

石脂輕粉竭乳香
用之完口不須難

治腐骨脫出肌肉生遲不能收斂者用此擦之

石膏

輕粉

赤石脂

黃丹

龍骨

血竭

乳香

朝腦

各三錢



右爲細末先用甘草當歸白芷各一錢煎湯洗淨思上用此乾核軟油紙蓋扎二日一洗一換

應用方

神燈照法

玉紅膏

俱見腫瘍門

十全大補湯

四君子湯

俱見腫瘍門

腎氣丸

見脾癰門

雜瘡毒門

陰瘡論第三十九

婦人陰瘡乃七情鬱火傷損肝脾溼熱下注爲患其形固多不一總由邪火所化也陰中有如挺出一條蛇形尺許墜重流水溺澀者乃腥氣下陷肝火從之朝服補中益氣湯晚服龍膽瀉肝湯外塗雄黃藜蘆散其患漸收陰中突出如菌子如雞冠四邊腫痛者乃肝肺脾虛所致先以補中益氣湯加山梔茯苓青皮清肝補脾兼



升中氣更以歸脾湯加山梔川芎茯苓神香附陳皮調理陰戶忽然
腫突作痛因勞傷血分濕火下流宜四物湯加丹皮澤瀉花粉柴
胡治之陰中生蟲慝如小蛆者乃心氣鬱而邪火所化宜四物加
黃連膽草木通石菖蒲以通散心竅鬱滯外以銀杏散納入陰中
陰器外生疔瘡内生細蟲作瘡不可忍者此蟲食人臟腑卽死令
人多發寒熱與癆瘵相似有此症之婦人畏羞都不肯說因循日
久面黃飢瘦身發寒熱咳嗽生痰往往不治者多矣如有此症急
與逍遙散吞蘆薈丸早晚二服外用銀杏散綿裹塞入陰中殺蟲
止癢半月漸愈陰戶開而不閉者憂思過也逍遙散歸脾湯俱加
柴胡山梔白芍丹皮間服交接出血者肝虛有火不能藏血四物
湯加膽草黃芩山梔柴胡新交房事傷而腫痛者珍珠散猪脊髓
調擦又婦人久居寡室淫火妄而又鬱鬱而又妄邪火久注多致

陰中作癢生蟲此蟲食人內藏陰中腐爛攻刺疼痛臭水淋漓口乾發熱形削不食有此症者非藥能愈終歸於死又名失合症也

陰瘡治驗

一婦人陰器腫痛小水澁滯遇晚寒熱交作此肝經濕熱爲患以龍膽瀉肝湯二服小水通利又以四物湯兼小柴胡加天花粉木通炒山梔服之而愈

一婦人無辜發熱月餘忽陰中突出一物如雞冠一片此肝鬱脾虛所致以補中益氣湯加青皮山梔柴胡黃芩外以甘草白芷蒼朮紫蘇煎湯每日薰洗十餘日其患漸小仍用前湯倍參朮月餘而安

一婦人陰中作癢遇夜五心煩熱作渴不睡此思慮太過致心腎不交以四物湯加龍膽草山梔黃連知母外以銀杏散納入陰中三

愈
日其癢漸止又朝以八味丸午用歸脾湯加銀柴胡茵陳月餘而愈

婦人陰器半邊腫痛身發寒熱口乾便秘脉實有力以內疎黃連湯二劑大便通利口乾乃止惟腫痛尤甚此溼毒結聚欲爲膿也以四物湯加角針澤瀉二劑膿熟脹痛又以透膿散一服出臭膿鍾許疼痛頓止以八珍湯加丹皮澤瀉十餘劑而安

一婦人肝經風濕下流陰器浮腫癢甚致孤出血不痛以消風散加苦參膽草澤瀉木通山梔外以蛇床子湯薰洗搽擦銀杏散十餘日癢止腫消而愈

一婦人孀居十餘載陰器作癢生蟲含忍不說後陰器食爛已食內臟人形消瘦發熱作渴脉洪浮數方請醫治詢問癢痛日久陰器黑腐小水不禁內臟已壞不可用藥彼苦求治予曰癢者蟲也



痛者損也先用鯽魚數枚以香料摻炙魚熟以絲綿薄裹納入陰中夾之良久取出紅蟲長者一寸短者五六分細如絲線約有二十餘條置溫水中搖擺片時方死彼家歡悅以為可治予曰非也再取再有生化無窮強投養血清肝藥終至不痊而死

陰瘡王治方

清肝滲濕湯

清肝滲溼湯四物木通滑石銀柴等

澤瀉翹連膽草梔甘草防風蒡蒼宜

治肝經鬱滯邪火流行致陰腫痛或風熱作癢

川芎

當歸

白芍

生地

山梔

黃連

連翹

龍膽草各錢

銀柴胡

澤瀉

木通各六分

滑石二錢

蘆薈五分

甘草三分

防風八分

水二鍾淡竹葉燈心各二十件煎八分食前服

涼榮瀉火湯

涼榮瀉火湯黃芩柴胡木通茵陳草

四物山梔知母全麥冬龍胆大黃煎



治婦人懷抱憂鬱不清致生內熱小水澀滯大便秘結及陰中火鬱作痛亦如澀淋宜此瀉之

川芎

當歸

白芍

生地

黃芩

黃連

山梔

木通

柴胡

茵陳

膽草

知母

麥冬

各一錢

甘草

五分

大黃

酒炒二錢

水二鍾煎八分空心服便利去大黃

銀杏散

銀杏散內用杏仁
裹肉為丸綿裏就

水銀輕紛雄黃稱
陰中作痒效如神

治婦人濕熱下注陰中作癢及內外生瘡並用

杏仁

去皮輕粉
火製

水銀

鉛裹

雄黃

各一錢

右各為細末共和一處每用五分裹肉一枚和丸用絲綿包裹留

一綿條撚線在外用塌癢湯煎洗藥裹安入陰內留線在外恐小

便取出再入一日一換重者只四五枚痊愈仍兼服前藥



塌瘡湯

塌瘡湯中用苦參
歸尾鶴虱同煎洗

狼毒靈仙床子真
搔痒之人笑即生

治症同上以此薰洗之

苦參

威靈仙

蛇床子

當歸尾

狼毒各五兩

鶴虱草兩

用河水十碗煎數滾瀟清貯盆內乘熱先薰待溫後洗臨洗和入

公猪膽汁二三枚同洗更妙

雄黃藜蘆散

雄黃藜蘆散散傲魚頭
芎歸湯沸乘溫洗

輕粉水片共相求
蛇菌雞冠不久留

治婦人陰中突出如蛇或似雞冠菌樣者並治

雄黃一錢

葱管藜蘆一錢

細末

輕粉

鰲頭焙黃色

各一錢

冰片二分

已上各研極細末和勻再研磁罐收貯先用芎歸湯煎洗隨後搽

藥早晚二次其患漸收

芎歸湯

芎歸湯洗陰中痒
白芷甘草併龍膽

蛇菌雞冠並此求
薰洗陰瘡盡縮頭



治症同上以此洗之

川芎

當歸

白芷

甘草

龍膽

右各等分每用五錢煎湯浴洗患上隨後擦藥

應用方

內疎黃連湯

透膿散

俱見腫瘍門

補中益氣湯

八珍湯

歸脾湯

四物湯

八味丸

俱見潰瘍門

逍遙散

小柴胡湯

俱見癰瘰癧門

蘆薈丸

龍膽瀉肝湯

珍珠散

俱見下疳門

消風散

見風疹門

蛇床子湯

見腎囊風門

傷寒發頤第四十

傷寒發頤亦名汗毒此因原受風寒用藥發散未盡日久傳化為熱

不散以致項之前後結腫疼痛初起身熱口渴者用柴胡葛根湯

清熱解毒患上紅色熱甚者如意金黃散敷之初起身涼不渴者



牛蒡甘桔湯散之患上微執不紅疼痛者冲和膏和之腫深不退
欲作膿者托裏消毒散已潰氣血虛弱食少者補中益氣湯以此
治之未成者消已成者潰已潰者斂亦為平常王道之法也用之
最穩

柴胡葛根湯

柴胡葛根湯花柳
石膏桔梗併升麻

甘草連翹牛蒡
傷寒頤毒效多靈

治頤毒表散未盡身熱不解紅腫堅硬作痛者

柴胡

天花粉

乾葛

黃芩

桔梗

連翹

牛蒡子

石膏

各一錢

甘草

升麻

五分

水二鍾煎八分不拘時服

牛蒡甘桔湯

牛蒡甘桔湯赤芍
川芎食遠服

花粉黃連蘇木陳
傷寒頤毒盡承平

治頤毒表邪已盡耳項結腫微熱不紅疼痛者

牛蒡子

桔梗

陳皮

天花粉

黃連

川芎



赤芍 甘草 蘇木各一錢

水二鍾煎八分食後服

如意金黃散 托裏消毒散

冲和膏俱見腫瘍門

補中益氣湯見潰瘍門

癩發第四十一

癩發乃天時不正之氣感而發之非毒內作也此患多生於手足掌

心或腰腿臂下紳縮之處漫腫無頭憎寒發熱四肢沉重煩渴為

甚初起宜服萬靈丹發汗解表腫仍不消者必欲作膿托裏消毒

散兼蠟礬丸間服後法俱照癰疽潰瘍法推治為當

萬靈丹 托裏消毒散 蠟礬丸俱見腫瘍門

癩疽第四十二

癩疽一名蛇瘡川廣烟瘡地面有之初出先作紅點次變黑色腐爛



筋骨小者如粟如豆夫者如梅如李發無定處初用蟾酥餅膏貼
患上寒熱交作者黍米寸金丹或飛龍奪命丹亦可紅腫遊走不
定者真君妙貼散加雄黃敷之自然截住破後脾胃虛弱食少乾
嘔者補中益氣湯加黃連麥冬補而不應腫高疼甚惟出清小積
汁者俱為不治之症

飛龍奪命丹

即蟾酥丸加金頭蜈蚣五條

黍米寸金丹

真君妙貼散

見腫瘍門

補中益氣丹

見瘡瘍門

小腹癰第四十三

小腹癰乃七情火鬱以致脾虛氣滯而成其患小腹漫腫堅硬肉色
不變有熱漸紅者屬陽易治無熱不紅者屬陰難治初起七日以
前用艾當腫頂灸七壯膏蓋首尾內服健脾胃養氣血行經補托
之劑可保終吉如誤用剋伐攻利涼藥者敗症必出十全大補湯

倍如參芪薑附以救之內腐深陷者玉紅膏長肉收斂又補托不應者雖愈終久成漏

十全大補湯

玉紅膏俱見潰瘍門

勸口疽第四十四

勸口疽乃三陰虧損督脉之經濁氣溼痰流結而成其患發在尾間之穴高骨頭尖初起形似魚肫久則突如鸛嘴朝寒暮熱日輕夜重潰後稀膿出而無禁又或鮮血出而不停凡發此者壯年猶可老年為慮初起宜滋陰除濕湯和之已成未潰者和氣養榮湯托之潰而不斂者滋腎保元湯補之久而成漏者琥珀蠟礬丸兼先

天大造丸服之甚妙

滋陰除濕湯

滋陰除濕湯知母柴陳貝母兼澤瀉

白芍芎歸熟地秦骨皮甘草效多靈

治勸口疽初起朝寒暮熱日經夜重如瘧等症



川芎 當歸 白芍 熟地錢各 柴胡 黃芩

陳皮 知母 貝母各八分 澤瀉 地骨皮 甘草各五

水二鍾薑三片煎八分食前服

和氣養榮湯和氣養榮湯木塊丹皮甘草併沉香 參苓熟地共陳皮當歸加之外奇

治前症已成不得內消者宜此藥托之

人參 陳皮 白朮 黃芪 茯苓 丹皮

當歸 熟地各一錢 沉香 甘草各五分

水二鍾煎八分食前服

滋腎保元湯滋腎保元湯杜仲歸苓黃肉併甘草 參芪朮附桂丹皮棗薑熟地不須處

治前症元氣虛弱膿水淋漓久而不斂者服之

人參 黃芪 白朮 茯苓 歸身 杜仲

山萸肉 丹皮 熟地各一錢 附子 肉桂 甘草各五分



水二鍾薑二片棗二枚蓮肉七枚食前煎服

琥珀蠟礬丸

見腫瘍門

先天大造丸

見流注門

龍泉疽虎鬚毒第四十五

此二毒乃腎督二脉分合行佈驟被外邪所搏而成龍泉疽發在人中之間虎鬚毒生於地角之上初起疙瘩次生腫痛漸發寒熱甚者惡心乾嘔腮項俱腫此穴忌灸初起宜線針挑破患頂以蟾酥餅放上膏蓋使毒有門而泄四邊焮腫用如意金黃散敷之內有表症者荆防敗毒散加芩連牛子裏症內疎黃連湯已成欲其作膿芎歸內托散膿成脹痛者針之即愈潰膿後只宜膏藥換貼其口易完此症多生於元氣壯實者故多不必服藥自愈

芎歸內托散

芎歸內托散陳皮茯苓甘草銀花等

桔梗花粉與黃芪虎毒龍泉服最宜

川芎

當歸

陳皮

茯苓

天花粉

桔梗



銀花
黃芪各錢
甘草五分

水二鍾煎八分食後服

如意金黃散

內疎黃連湯

見腫瘍門

荆防敗毒散

見時毒門

石榴疽第四十六

石榴疽者乃少陽相火與外濕相搏而成其患生在肘尖上一寸是

也初起一點黃粟小泡根便開大色紅堅硬腫如覆碗皮破泛出

收疊如榴子令人寒戰猶如重瘡初起即灸九壯內服蟾酥丸發汗

以解蘊毒灸頂上蟾酥餅貼之膏蓋焮腫處金黃散敷之內服菊

花清燥湯琥珀蠟礬丸煩躁熱甚者護心散金液戊土丹九日後

患上作膿稠黃疼苦稍減表裏症退飲食微進者可保無虞反此

為逆潰後元氣虛弱雜症相兼者照癰疽調理法治之

菊花清燥湯

菊花清燥湯生地
柴苓甘草升麻等

知貝芎歸地骨皮
犀角門冬白芍宜



甘菊

錢二

川芎

當歸

知母

貝母

白芍

生地

麥門冬

地骨皮

各一錢

升麻

犀角

甘草

柴胡

黃芩

各五分

水二鍾淡竹葉燈心各二十件煎八分食後服

蟾酥丸

見疔瘡門

琥珀蠟礬丸

護心散

如意金黃散

俱見腫瘍門

金液戊土丹

見脫疽門

穿踝疽第四十七

穿踝疽乃足三陰濕熱下流停滯而成初起內踝腫痛疼徹骨底舉動艱辛甚則串及外踝通腫有頭者屬陽易破無頭者屬陰難潰此二者初起必寒熱交作宜荆防敗毒散加牛膝散之日久膿成痛者針之腐而不斂孔大者玉紅膏培之形體虛弱者補之此症若不早治久成廢疾



荆芥敗毒散

見時毒門

玉紅膏

見腫瘍門

大麻風第四十八

大麻風症乃天地間異症也但感受不同有體虛之人因驟被陰陽
 暴晒露霧風雨之氣所侵感之不覺未經發泄凝滯肌膚積久必
 作又有房慾後體虛為風邪所襲或露臥當風睡眠溼地或洗浴
 乘涼希圖快意或風水所招世代留襲此等相感俱能致之其患
 先從麻木不仁次發紅班久則破爛浮腫無膿又謂皮死麻木不
 仁肉死刀割不痛血死破爛流水筋死指節脫落骨死鼻梁崩塌
 有此五症俱為不治又曰心受之先損於目肝受之面發紫泡脾
 受之徧身如癰肺受之眉毛先脫腎受之足內先穿又為五敗症
 也總皆風濕相乘氣血凝滯表裏不和臟腑痞塞陽火所變此其
 根蒂也初起麻木不仁肌肉未死者宜萬靈丹洗浴發汗以散凝



滯之風後服神應養真丹加白花蛇等分久服自愈年久肌破肉死者先用必勝散疎通臟腑次服萬靈丹每日酒化一九通活血脉服至一月換服苦參丸輕者半年重者一載漸愈或兼服酒藥忌戒房事厚味動風等件可保終年不發矣

萬靈丹

見癰疽腫瘍門

治大麻風初起麻木不仁或既久皮膚破裂手足拳攣肢體不便

但未指脫足穿者並宜服之

必勝散

必勝散中用大黃姜汁砂糖調末服

白牽椶櫚共粉霜晉教患者漸安康

治大麻風血熱秘結臟腑不通宜用此藥利之

大黃

檳榔

白牽牛

各一錢

粉霜

一錢五分

右各為細末年壯者作五服中年久虛者作七服用生薑四兩搗汁赤砂糖三錢加水一大杯三味和勻臨睡時腹中稍空頓溫通



口服之即睡至三更遍身麻木如針刺頭目齒縫俱痛此藥尋病之功已達行出大小二便或青白黑黃又或紅蟲之類此乃病根也一月內服藥三次漸痊眉髮俱生肌膚如舊齒縫有血宜漱後

藥

漱藥方

漱藥方中有二般水煎加入些冰片

貫衆黃連一處攪止血何愁甚不安

貫衆黃連各三錢水二鍾煎至半盃冰片少許每日陸續漱之其

血白止兼忌動風油膩之物

苦參丸

苦參丸內藥多般新久麻風諸壞症

品味難將一一刊將來久服自能安

治大麻風毋分新久穿破潰爛老幼俱可服之

苦參斤一

大楓子肉六兩

荆芥兩十六

防風

白芷各六兩

全蝎

何首烏

白附子

枸杞子

威靈仙

當歸

大胡麻

川芎

蒺藜

大皂角

川牛膝

牛蒡子



獨活各五兩 蔓荊子

風藤

羌活

連翹

蒼朮

天麻

杜仲

草烏炮去皮尖

甘草各二兩

人參一兩

杏仁

白花蛇二兩切 蛇片炙黃

右藥共為細末醋打老米糊為丸梧桐子大每服三四十九溫酒

食前後任下避風忌口為妙

麻風藥酒方

麻風酒膝木防歸羌活萆麻併鱉甲

苦杞姜秦虎節隨茅根加上效堪推

防風

當歸

虎骨

秦艽

羌活

苦參

牛膝

薑蠶

松節

鱉甲

蒼朮

枸杞

白茅根各三兩

萆麻子仁一兩

用好雪酒二十五斤用藥袋盛浸酒內封壘口煮香二枝取起水

內浸一伏時取服數杯自效

雄硫散

雄硫散肉鳳凰皮桃肉和猪胆洗

山甲相兼滑石隨眉毛脫落之宜



治大麻風循毛鬚髮脫落作癢者宜此藥擦之

雄黃

硫黃

鳳凰皮

即雞雞殼燒黃
存性每五錢

穿山甲

十片
炒黃

滑石兩

右各為細末用半油核桃肉一兩搗爛同公猪膽汁一箇同煎藥和勻用青紗包藥擦之日用三次其髮漸生如舊

又擦麻風病面生紫塊疙瘡方用穿山甲灰炒川椒為末各二錢生薑汁土大黃根二汁調綢絹包擦患上如久藥乾加水調擦亦效忌動風發物等件

翻花瘡第四十九

皆損

翻花者乃頭大而蒂小小者如豆大者若齒無苦無疼申立每流鮮血久亦虛人以津調水蠲散遍搽正面上用軟油紙包裹根蒂細處用線連紙扎緊十日後其患自落換珍珠散摻之收口又有根



蒂如驚頭棋子樣難扎以前藥搽上用麵糊綿紙封上三重用心

勿動亦以十日外落之摻珍珠散

水蠶散見癩疔門

珍珠散見下疔門

腋癰第五十

腋癰俗稱夾癰此肝脾二經為患肝經血滯脾經氣凝共結為腫初起皮色不變漫腫無頭日久方疼乃生寒熱此患難消終必作之未破者柴胡清肝湯已破者十全大補湯去肉桂加香附陳皮軟腫脹服痛者針之膏貼但此症首尾溫補忌用寒涼也

柴胡清肝湯見門疔鬚

十全大補湯見潰瘍門

脇癰第五十

脇癰多從鬱怒肝火者發之肥胖內實者鮮此症初起宜梔子清肝湯柴胡清肝湯解鬱瀉火已成托裏消毒散加青皮香附知已成



卽針之勿傷內膜已破後八珍湯加丹皮山萸澤瀉兼滋腎水

虛勞所得者破流臭水敗腐稀膿補托不應者死

托裏消毒散見腫瘍門

梔子清肝湯

柴胡清肝湯俱見腫瘍門

八珍湯見潰瘍門

鼻痔第五十二

鼻痔者由肺氣不清風濕鬱滯而成鼻內瘰肉結如榴子漸大下垂閉塞孔竅使氣不得宣通內服辛夷清肺飲外以硃砂散逐日點之漸化爲水乃愈兼節飲食斷厚味戒急暴省房慾愈後庶不再發

辛夷清肺飲

辛夷清肺飲黃芩麥冬甘草與升麻

治肺熱鼻內瘰肉初如榴子曰後漸大閉塞孔竅氣不宜通者服

百合山梔知母稱石膏枇杷葉同一論



辛夷分六

黃芩

山梔

麥門冬

百合

石膏

知母各一錢

甘草分五

枇杷葉三片去毛

升麻分三

右水二鍾煎八分食後服

硃砂散

硃砂散內用雄黃為未將來痔上點

水片再加輕粉良能消瘰肉自然光

治鼻生瘰肉初如榴子漸大下垂名為鼻痔也

硃砂一錢

輕粉分三

水片厘五

雄黃分三

右共為末用草桔咬毛醮藥勤點痔上日用五六次自然漸化為水而愈

取鼻痔秘法先用回香草散連吹二次次用細銅筋二根筋頭鑽一小孔用絲線穿孔內二筋相離五分許以二筋頭直入鼻痔根上將筋線絞緊向下一振其痔自然拔落置水中觀其大小用頭胎髮燒灰同象牙末等分吹鼻內其血自止戒口不發



回香草散

回香草散有奇功
為未共吹鼻痔上

加上良薑二味同
猶如荆芥一時通

回香草高良薑晒乾等分為末用此先吹鼻痔上二次片時許隨
後方行取法其痔自然易脫

骨槽風第五十三

骨槽風初起生於耳前連及腮頰痛隱筋骨久則漸漸漫腫寒熱如
瘡牙關緊閉不能進食此得於鬱怒傷肝致筋骨緊急患慮傷脾
致肌肉腐爛膏粱厚味致膿多臭穢初則堅硬難消久則瘡口難
合初宜艾灸腫項及耳垂下五分各灸七壯膏貼以泄內毒真君
妙貼散敷腫上牙關內腫用線針刺去惡血水礪散搽之使內外
毒氣得解宜服降火化痰清熱消腫之劑潰後當托裏藥中加麥
冬五味外腐者玉紅膏使水昇火降脾健金清乃愈又有外腐不
合虛熱不退堅腫不消形焦體削者死



清陽散火湯 清陽散火湯翹苓石膏甘草共荆防

白芷升麻牛蒡迎當歸加上蒺藜成

治牙根盡處結腫連及耳項作痛名骨槽風也

升麻 白芷 黃芩 牛蒡子 連翹

石膏

防風 當歸 荆芥 白蒺藜 各一錢

甘草 五分

水二鍾煎八分食後服

中和湯 中和白芍朴芎歸桔梗肉桂防風等

甘草參芪白芷宜藿香姜棗效堪題

治前症已經穿潰流膿臭穢疼痛不止者服之

人參 黃芪 白朮 白芷 川芎 當歸

甘草 桔梗 白芍 各一錢 肉桂 麥冬 藿香 各五分

水二鍾薑二片棗二枚臨服入酒一杯食後服

應用方

真君妙貼散

玉紅膏 俱見腫瘍門

冰硼散 見喉門



紫白癜風第五十四

紫白癜風乃一體二種紫因血滯白因氣滯總由熱體風濕所侵凝滯毛孔氣血不行所致此皆從外來矣初起毛竅閉而體強者宜萬靈丹以汗散之次以胡麻丸常服外用蜜陀僧散擦擦亦可得

愈

胡麻丸

胡麻丸內用防風
苦參獨活石菖蒲

白附威靈甘草同
癩風赤白效神功

治初起皮膚作癢後發癩風漸生開大者

大胡麻兩四防風

威靈仙十

石菖蒲

苦參各二兩

白附子

獨活各一兩

甘草五錢

右爲細末新安酒漿泛丸桐子大每服二錢形瘦者一錢五分食後臨臥白滾湯送下忌動風發物海腥煎炒雞鵝羊肉火酒等件

愈後戒百日

雌雄四黃散

雌雄散用石硫黃
加上雌雄黃為末

川槿皮同白附當
管教癩症一時光

治紫白癩風皮膚作癢白漸開大宜用此搽之

石黃

雄黃

硫黃

白附子

雌黃

川槿皮各等

右為細末紫癩醋調用豎槿木毛頭蘸藥擦患上白癩用薑切開
蘸藥擦之擦後三日忌下湯水戒食雞鵝牛羊煎炒海腥火酒等
物不復發

又方

蜜陀僧散 見汗班門

白癩紫癩一般風

雄黃硃砂等分同

茄蒂端來擦患處

不消三日有神功

白加蛇殼同來擦

管教前患永無踪

肥皂方

癩風酒刺雀班力
附子豆粉樟冰等

皂角甘松山奈藏
白芷陀僧楮實詳

皂角

甘松

山奈

白芷各二蜜陀僧

白附子

樟腦

各一錢

楮實子

菜豆粉

各三錢

右為細末用去淨皮弦肥皂
一筋槌勻法擦患上日久自效



重訂外科正宗卷之十

齒病第五十五

齒病者有風有火亦有陽明濕熱俱能致之風痛者遇風發作浮腫
隨後生痛以消風散治之火痛者則齒根必擗扯腮顫陣陣作痛
時發時止以冰硼散擦之出涎自愈陽明經溼熱作痛者其患腮
顫浮腫甚者牽引太陽疼連頰項口中熱氣大便結燥當宜涼膈
散加石膏治之又腫高軟者內必有膿用針刺破出膿自愈有齒
齦腐爛出血不止者內服犀角地黃湯外搽人中白散又小兒鑽
齒疳牙根尖穿出齒根內外芒刺嘴唇作痛用披針挑破牙齦以
手取去本牙出血不止以濕紙換貼二三次其血自止必兼戒厚
味其牙復生如舊

涼膈散

涼膈散中用石膏
黃芩甘草淡竹葉

山梔薄荷其連翹
大黃加之功莫述



治陽明經濕熱上攻致牙根腮項作腫多痛者

連翹

山梔

黃芩

薄荷

甘草

大黃

朴硝

一錢五分

石膏

一錢五分

淡竹葉

三十片

右水二鍾煎八分入蜜三匙和勻食遠服

清中散

清中散內牡丹皮

升麻還與山梔子

生地黃連甘草歸

胃經積熱効堪推

治胃經積熱牙齒或牙齦腫痛或牽引頭腦作痛或面熱耳紅並

皆治之

當歸

黃連

生地

山梔

各一錢

牡丹皮

六分

升麻

八分

甘草

五分

右水二鍾煎八分食遠服

葦撥散

葦撥散中真阿魏

蟲牙風痛皆堪點

麝香水片共相依

官教頃刻樂嚙陪

治風濕蟲牙作腫疼痛如陽明內熱作疼勿用



萹撥

真阿魏各二錢

冰片

麝香各一分

右為細末每用半豆許擦放牙根痛縫中吐去熱涎溫湯漱之再

搽即愈內有阿魏恐防作吐

又牙疼方

牙疼方中君萹撥飛鹽加入同來點

蟾酥酒化與川椒諸般牙痛即時消

萹撥錢一

蟾酥分二

川椒分五

飛鹽分三

右其為末用草桔咬毛蘸藥搽點痛牙根上妙

犀角地黄湯

犀角地黄湯芍藥陽明積熱皆堪服

更兼一味牡丹皮止血還須用此醫

治陽明積熱牙齦腐爛出血不止及諸吐血衄血嘔血通治之

犀角鎊 生地

白芍

牡丹皮各等分

每五錢水二鍾煎八分不拘時服面色痿黃大便黑者更宜服之

又牙縫中無辜出血者亦妙

止血四生湯

止血四生湯芍藥用水同煎飲一鍾

生芩側柏地黃刺諸般血症登時斂



生荷葉 生艾 生栢葉 生地黄各三錢

水二鍾煎一鍾食後溫服臨服入童便一杯更妙

人中白散見口疳門

消風散見疥瘡門

腦漏第五十六

腦漏者又名鼻淵總因風寒凝入腦戶與太陽以溼熱交蒸乃成其患

鼻流濁涕或流黃水點點滴滴長溼無乾久則頭眩虛暈不已治

以藿香湯主之天麻餅子調之亦可漸愈如日久虛眩不已內服

補中益氣湯六味地黃丸相間服之以滋化原始愈

奇受藿香湯元來奇授藿香湯鼻淵腦漏皆堪羨

猪胆同功效莫量不過三服永無殃

治鼻淵黃水濁涕長流致腦戶虛眩不已用藿香連枝帶葉者五

錢水一碗煎七分加公猪膽汁一枚和勻食後通口服之至重者

不過三服如此藥若甚不堪服用藿香末一兩公猪膽汁熬稠膏



爲丸每服二錢食後白滾湯送下亦效

應用方

補中益氣湯

六味地黃丸

俱見遺瘍門

天麻餅子

見頭疼門

破傷風第五十七

破傷風因皮肉損破復被外風襲入經絡漸傳入表其患寒熱交作口噤咬牙角弓反張口吐涎沫入陰則身涼自汗傷處反爲平陷如故其毒內收矣當用萬靈丹發汗令風邪反出次以玉真散患上貼之得膿爲效如汗後前症不退傷處不高漸醒漸昏時發時止口噤不開語聲不出者終爲死候

玉真散

玉真散內用南星還兼天麻白附子

白芷防風羌活靈破傷風症奏安寧

治破傷風牙關緊急角弓反張甚則咬牙縮舌

南星

防風

白芷

天麻

羌活

白附子

各等分



右為末每服二錢熱酒一鍾調服更敷傷處若牙關緊急腰背反張者每服三錢用熱童便調服雖內有瘀血亦愈至於昏死心腹尚溫者連進二服亦可保全若治風犬咬傷更用漱口水洗淨擦傷處亦効

萬靈丹

見腫瘍門

治破傷風牙關緊急角弓皮張時昏時止者服

鎮風散

鎮風散用焙鱧膠每服二錢和熱酒

杭粉硃砂礬末調破傷風症自逍遙

治破傷風諸藥不効事在危急者用之必應也

鱧膠

切蝦杭粉焙微焙黃

皂礬

各一兩炒紅色

硃砂

三錢另研

右為細末每服二錢無灰熱酒調服如一切猪羊等風發之昏倒不醒人事者每服三錢二服即愈不發外多傷虞七壯知疼痛者乃為吉兆



跌撲第五十八

跌撲者有已破未破之分。亡血瘀血之故。且如從高墜墮而未經損破皮肉者。必有瘀血流注臟腑。人必昏沉不醒。二便必難。當以大成湯通和二便。其人自甦不醒者。獨參湯救之。尋常墜墮輕者。以復元活血湯調之。又如損傷骨節筋斷血流不止者。獨勝散止之。次用花蕊石散搽之。又有跌斷骨節大損等症。此則另有專門接骨扎縛未及詳註也。

大成湯

大成湯內朴硝黃陳皮厚朴紅花等

蘇木當歸甘草良木通枳殼共煎嘗

治跌撲傷損或從高墜下以致瘀血流入臟腑昏沉不醒大小便秘及木杖後瘀血內攻肚腹膨脹結胸不食惡心乾嘔大便燥結者並服之

陳皮

當歸

蘇木

木通

紅花

厚朴

甘草

各一錢

枳殼

二錢

大黃

三錢

朴硝

二錢

右水一碗煎八分不拘時服服後一時不行渣再煎臥服日渣

三匙亦妙

調中二陳湯

調中二陳湯防風
苓芍青皮紫蘇實

蘇木歸芪烏藥桂
檳榔木香紅花同

治前症已服行藥之後當進此藥二三服調之

陳皮

半夏

茯苓

甘草

紅花

川芎

當歸

白芍名八分

防風

檳榔

黃芪

桔梗

青皮

烏藥

蘇木

枳實

黃芩

紫蘇各六分

木香三分

右水二鍾薑三片棗二枚煎八分不拘時服

獨參湯

獨參湯力最專功
昏沉不醒人事者

跌撲金瘡血不充
灌之入腹起疲癢

治跌撲損傷或金瘡出血過多昏沉不醒者服人參二兩切片水



二碗煎一半不拘時通口服之渣再煎服其人自甦再用渣加川

米一合煎湯溫服

花蕊石散

花蕊石散麝檀香
羌龍白芷蛇含石

乳沒辛蘇烏朴當
木降香南星粉霜

治跌撲傷損及金瘡刀箭兵刃所傷斷筋損骨疼痛不止新肉不生者並効

生者並効

乳香

沒藥

羌活

紫蘇

細辛

草烏

蛇含石

便服
三次

厚朴

白芷

降香

當歸

蘇木

檀香

龍骨

南星

輕粉

各二錢

麝香

三分

花蕊石

童便服七
次五錢

右共研極細確收聽用葱湯洗淨用此摻之軟桐紙蓋扎一日一換神効此藥一時未備可用多骨疽門生肌散代之暫用亦可取

効危急也



五紅膏 見腫瘍門

治跌撲損傷或金瘡斷損筋骨已經血止疼痛作膿宜用此膏
湯洗淨日搽傷處黑膏蓋之

金瘡第五十九

金瘡乃刀刃所傷或有磁鋒割損淺者皮破血流而已深者筋斷血
飛不住皮破者桃花散摻之其血自止筋斷者如聖金刀散摻扎
止復又流者此症急用玉紅膏塗傷處膏蓋長肉蓋筋骨肉方斷
斯人面色必黃外避風寒內忌冷物終保無妨有失血過多者獨
參湯八珍湯補助為要此無外法矣

如聖金刀散

如聖金刀散二錢
刀傷損破肌流血

松香細末共加
摻上應知効不難

治刀刃所傷皮破筋斷飛血不止者用松香淨末七兩枯礬生礬
各一兩五錢共為極細末確密收摻傷處紙蓋絹扎止後三四日



後必焮痛作膿換搽生肌散三日三次其疼即止以後日用葱湯洗之換搽玉紅膏長肉生肌避風為要

桃花散

桃花散是治金瘡止血消瘀肌肉長

須用石灰與大黃慎宜房事刑無妨

治金瘡出血不止用石灰半升同大黃一兩五錢切片同炒石灰

變紅色為度去大黃篩細搽損上紙蓋絹扎止血後用葱湯洗淨

換搽玉紅膏長肌收斂兼戒口味房事為要

獨參湯

見跌撲門

八珍湯

見續傷門

杖瘡第六十

杖瘡乃良肉受傷之患有已破未破之分正刑酷刑之說已破肌肉

者隨杖後以清涼拈痛膏敷之疼腫即消未破瘀血內攻者用針

放出內蓄瘀血再以大成湯下之便通自愈如傷處瘀腐已作疼

痛者玉紅膏搽之自然腐化生新而愈至於辱刑重刑難受之時



宜預服鐵布衫丸方得保身全命也

鐵布衫丸

鐵布衫丸乳沒歸木蠶再加無名異

地龍蘇木自然隨救盡人間苦杖危

治情不由已事出不虞受害一身重刑難免當預服之受刑不痛亦且保命

自然銅煨紅醋浸七次

當歸酒洗無名異洗去浮上

乳香

木蠶子香油搽殼上

沒藥地龍去頭曬乾蘇木

右八味各等分爲細末煉蜜丸如雞頭實大每服三丸預用白湯

送下縱非刑辱堵可保無虞

散瘀拈痛膏

散瘀拈痛膏空稀加上樟木金黃散

麻油石灰水其齊即金鑊清涼拈痛林瘡敷上笑嘻嘻膏

治杖後皮肉損破紅紫青斑焮腫疼痛重墜者用腫瘍門如意金

黃散一兩加樟冰三錢碾勻以白石灰一升用水二碗和勻候一

時許用灰上面清水傾入碗內加麻油對分和水以竹節攪百轉



自成稠膏調前藥稀稠得所聽用杖後帶血不用湯洗將藥通便
敷之紙蓋布扎夏月一日冬月二日方用葱湯淋洗乾淨仍再敷
之痛止腫消青紫即退傷重者另搽玉紅膏完口

又方

杖刑之後肉不破 瘀血攻疼沒門路 將針點破膿血流

管教患者隨行步

大成湯 見跌撲門

治杖後瘀血內攻肚腹膨脹惡心便秘者服之

珍珠散 見下疳門

治杖瘡已經長肉平滿惟不生皮用此搽即愈

湯潑火燒第六十一

湯潑火燒此患原無內症皆從外來也有湯火熱極逼毒內攻又有



外傷寒涼極毒入裏外皮損爛者以清涼膏藥殼膏塗之毒氣入裏煩躁口乾二便秘澁者四順清涼飲下之泡破珍珠散搽之自愈

四順清涼飲

四順清涼飲赤芍當歸甘草山柸等

防風羌活共連翹大黃加上執俱消

治湯潑火燒熱極逼毒入裏或外被涼水所濯火毒內攻致生煩燥內熱口乾大便秘實者服

連翹

赤芍

羌活

防風

當歸

山柸

甘草

各一錢

大黃

炒二錢

右水二鍾燈心二十根煎八分食遠服

嬰粟膏

嬰粟膏屬湯火燒將疑加上真輕粉

麻油白蠟共煎熬塗於患上痛隨消

治湯潑火燒皮肉損爛疼苦熯熱起泡流水者麻油四兩嬰粟花十五朵無花以殼代之浸油內煎枯濾清將油再入杓內下白蠟



三錢熬化傾入罐內待四邊將凝時下真輕粉細末二錢攪勻水
內頓冷取起臨用將泡挑破用抵腳挑膏手心中捺化捺患上軟
綿紙蓋扎日換二次其疼即止次日將軟帛搥淨腐皮再捺之自
愈

珍珠散

見下
疔門

治湯潑火燒腐皮已盡疼痛已止用此摻即愈前杖瘡門中石灰
水調麻油成膏即清涼膏也搽湯潑火燒亦効

甲疽第六十二

用疽者或因甲長侵肌又因修甲損傷良肉靴鞋窄小俱易生之其
患竅肉裏上指甲腫痛異常難於步履初宜三品一條鎗貼竅肉
上化盡自愈日久竅肉堅硬須水蠶散化之後用珍珠散摻上必
瘥

三品一條鎗 見癰門

繭唇第六十三

珍珠散 見下癰門

繭唇乃陽明胃經症也。因食煎炒過滄炙煨，又兼思慮暴急，痰隨火行，留注於唇，初結似豆，漸大若蠶，突腫堅硬，甚則作痛，飲食妨礙，或破血流，久則變為消渴，消中難治之症。初起及已成無內症者，用麻子大艾炷灸三壯，貼蟾酥餅膏，蓋日久漸消，內症作渴者，早服加減八味丸，午服清涼甘露飲，以滋化源。日久流血不止，形體瘦弱，虛熱痰生，面色黧黑，腮頰紅現，口乾渴甚者，俱為不治之症也。

清涼甘露飲 清涼甘露飲 柴胡 石斛 枳殼 甘草 生地

麥冬 犀角 共茵陳 知母 枇杷葉 須尋

治繭唇膏梁所釀，暴怒所結，遂成斯疾。高突堅硬，或損破流血，成虛熱生痰，或渴症久作，並治。



犀角 銀柴胡 茵陳 石斛 枳殼 麥門冬

甘草 生地 黃芩 知母 枇杷葉各錢

水二鍾淡竹葉燈心各二十件煎八分食後服

加減八味丸見潰瘍門 蟾酥餅見疔瘡門

瘡癤第六十四

瘡癤皆緣內傷過度氣血橫逆結聚而生初起腹中覺有小塊舉動牽引作疼久則漸大成形甚者翕翕內動斯時必氣血衰弱飲食減少內服阿魏化瘡散外貼乾坤一氣膏祛邪養正氣攻補自全安

阿魏化瘡散阿魏化瘡散芎歸 白朮紅花赤茯苓 空心還用酒調宜

川芎 當歸 白朮 赤茯苓 紅花 阿魏

驚風尖酥炙研 各一錢 大黃酒炒 八錢 蕎麥麵一兩



右共為末每服三錢空心好酒一茶鍾調稀服三日後腹痛便出

膿血為驗忌生冷腥葷等件

乾坤一氣膏 一氣膏歸芷附稜 赤白芍元生熟地

莫巴蓬甲續靈脂 桂阿木鱉鹿射沒乳

此膏專治痞疾母論新久立效又治諸風癱瘓淫痰流注各根惡瘡百般怪症男子夜夢遺精婦人赤白帶下又男女精寒血冷久無嗣息者並貼之

當歸 白附子 赤芍 白芍 白芷 生地

熟地 穿山甲 木鱉肉 巴豆仁 莫麻仁 三稜

蓬朮 五靈脂 續斷 肉桂 元參 各一兩 乳香

汲藥 各二兩 一錢 麝香 三錢 真阿魏 二兩切薄 片聽用

右咀片用香油五觔存下四味餘皆入油浸春三夏五秋七冬十期畢桑柴火熬至藥枯細絹濾清每淨油一觔入飛丹十二兩將



油入鍋內下丹槐枝攪攪其膏候成端下鍋來用水盆坐穩漸下
阿魏片泛化已盡方下乳沒麝香再攪勻乘熱傾入磁罐內分
處盛之臨用湯中頓化痞病紅緞攤貼餘病綾絹俱可攤之有腫
者對患貼之男子遺精婦人白帶俱貼丹田諸風癱瘓貼腎俞穴
並效

天蛇毒第六十五

天蛇毒一名蛇頭疔也乃心火旺動攻注而成其患指大腫若蛇頭
赫腫焮痛疼及連心甚者寒熱交作腫痛延上腫頂上小艾灸五
壯以雄黃散塗之內服蟾酥丸發汗解毒輕者漸消重者潰膿甚
則腐爛破後腫仍不消者以蟾酥條插入孔內膏蓋自效腐爛者
玉紅膏擦之虛而不斂者兼服補劑

雄黃散

雄黃散內用蟾酥
四味同來為細末

冰片還將輕粉和
水調患處日三塗

治天蛇毒初起紅腫發熱癢痛徹心者宜用之

雄黃

明亮者二錢

蟾酥

紙焙一分

冰片

輕粉五分

共為細末新汲水調塗紙蓋日用三次極效

蟾酥丸

見疔瘡門

玉紅膏

見腫瘍門

頭痛第六十六

頭痛者風火濕痰四者皆能致之又楊梅瘡毒上攻亦有此症或婦人產後梳洗當風太早亦致之名曰頭風宜用後方毋論病之新久受之真似並效

天麻餅子

天麻餅子草川烏薄荷細辛松白附

芎芷甘防蒼木犀雄黃全蝎一同途

治頭痛因風火濕痰上攻及楊梅瘡毒所致兼治頭目昏眩項背

拘急肢體煩痛肌肉蠕動耳哨蟬鳴鼻寒多嚏皮膚頑麻癢癢癢

疹又治婦人頭風作痛眉稜骨疼牙齒腫痛痰逆惡心者並皆治



之

天麻

草烏

湯泡去皮

川芎

細辛

蒼朮

甘草

川烏

湯泡去皮

薄荷

甘松

防風

白附子

去皮

白芷

雄黃

金蝎

各三錢

右為細末寒食麵打糊搗稠如寒豆大捻作餅子每服二三十餅食後細嚼葱頭湯送下屬火熱痰痛者茶湯下甚者日進二服忌

諸般發物

三聖散

三聖散用開楊花二味再加楓子肉

紅槿樹花總一家頭風偏正樂無涯

治男婦頭痛不論偏正新久但夏月欲重綿包裹者並效

開楊花

淨末一錢

槿樹花

淨末一錢

大楓子

用肉去油五分

共研每服六分葱酒調服洗浴發汗自愈

合谷毒第六十七



合谷疔俗稱虎口百了也此患多有疔瘡泡起亦有紅絲走上故有疔名之稱此手陽明胃經溼毒攻注作癢或熱熾癢初起挑破貼蟾酥餅膏蓋金黃散敷之三日後腫聚必欲作膿換膏貼之軟腫脹痛者膿已成針之即愈腫甚寒熱者必內外消托

金黃散 見腫瘍門

蟾酥餅 見疔瘡門

鼻出血第六十八

鼻中出血乃肺經火旺逼血妄行而從鼻竅出也外用紫土散敷額

頂上內服羚羊清肺湯亦可自止

羚羊清肺湯 羚羊清肺湯柴胡元地芎歸石膏等

甘藕蒲黃地骨皮梔連蘆薈白茅宜

治鼻中無故出血不止及尋常吐血咳血並效

羚羊角 錢 黃連

銀柴胡

元參

石膏

川芎

當歸身

白芍

生地

蒲黃

地骨皮

山梔

各一錢



蘆薈

甘草各五分 藕節三個

皂莢根

四兩搗汁用水一碗和絞去渣

用茅根汁一大碗煎七分大童便一杯食後服

紫土散

紫土散須從治法將藥敷於顛頂上

更兼火酒要調稠自然血止不用流

治鼻中無辜出血不止用傾銀紫土新礮碾細以火酒調敷顛頂

上其血自止此從治之法也

牙縫出血第六十九

牙縫血出陽明胃經實火上攻而出也又有胃虛火動腐爛牙齦以

致淡血當常滲流不已實火清胃散棟果裘塞之虛火蘆薈會丸人

中白散服擦自愈

清胃散

清胃散中用石膏丹皮加上升麻好

升麻連生地不相饒陽明胃熱即時消

治胃經有熱牙齒或牙齦作腫出血不止並效

金鑑名清胃湯

黃芩

黃連

生地

丹皮

升麻

石膏

名各二錢



水二鍾煎八分食後服

棟果裘治陽明胃經實火上攻血從牙縫流出用棟樹果二箇連肉

核搗爛絲綿包裹先用溫湯漱淨瘀血塞於牙縫內其血自止

盧會丸

人中白散 見口疳門

血箭血痣第七十

血箭出於心經火盛逼血從毛竅出也血痣由於肝經怒火鬱結其

形初起色紅如痣漸大如豆指之血流治血箭以桃花散涼水調

敷或金墨塗擦自止血痣須用冰蠶散枯去本痣以珍珠散擦之

生皮乃愈血甚者內服涼血地黃湯戒口味始痊

涼血地黃湯

涼血地黃湯黃連加上元參功更效

當歸甘草山梔全無毒出血即時痊

治血箭血痣內熱甚而逼血妄行出血如飛者

黃連 當歸 生地 山梔 元參 甘草 各等分



水二鍾前八分量病上下服之

桃花散見金瘡門

冰蠟散見癩門

珍珠散見下府門

鵝掌風第七十一

鵝掌風由手陽明胃經火熱血燥外受寒涼所凝致皮枯槁又或時瘡餘毒未盡亦能致此初起紫斑白點久則皮膚枯厚破裂不已

一 二礬湯薰洗即愈

二 礬湯

二礬湯中白皂礬先薰後洗油烟照

兒茶栢葉在其間金鑑名二礬散鵝掌風痛愈不難

治鵝掌風皮膚枯厚破裂作痛宜用此湯薰洗輕則不宜越重越効

白礬

皂礬

各四兩

孩兒茶

錢五

栢葉

半

用水十碗同上藥四味煎數滾候用先用桐油搽抹患上以桐油蘸紙撚點著以烟焰向患上薰之片時方將前湯乘滾貯淨桶內



手架上用布蓋以湯氣薰之勿令泄氣待微熱傾入盆內薰洗良久一次可愈七日忌下湯水永不再發

腎囊風第七十一

腎囊風乃肝經風溼而成其患作癢喜浴熱湯甚者疔瘡頑麻破流

脂水宜蛇床子湯薰洗二次即愈

蛇床子湯

蛇味子湯當歸尾河水同煎薰患處

苦參片加威靈仙腎囊風痒得安然

治腎囊風濕熱為患疔瘡作癢搔之作疥宜洗

蛇床子

當歸尾

威靈仙

若參

各五錢

全鑑加蟾酥殺火土大黃五分

水五碗煎數滾入盆內先薰待溫浸洗二次愈

狼毒膏

狼毒膏中用大楓川椒床子硫猪胆

檳榔五倍子相同油沸投確一處充

治症同前

狼毒

檳榔

硫黃

五倍子

川椒

楓子肉



蛇床子 各三錢

右爲末用香油一大杯煎滾入皮硝三錢再煎滾次下公猪膽汁一個和勻調前藥搽擦患上此藥諸瘡瘡用之並効

疥瘡論第七十三

夫疥者微芒之疾也發之令人搔手不閑但不知其何以生者疥曰吾不根而生無母而成乃稟陰陽氣育溼熱化形常列於王侯掌上何妨士庶之身可使文人怕筆繡女停針毋分貴賤一例施行醫問曰不生於身獨攻於手者又何也疥曰手掌乃太陰溼土所主手心又少陽相火所司土能生我火能化我此生皆賴溼土陽火所化故生者必自出於手掌醫曰然哉但其形知動而不知靜能進而不能退自非清氣所化也又脾主消納胃主傳化人之飲食未有不從厚味者厚味之中溼熱並化致生此瘡又清氣隨脉

循行濁氣留滯不散停留肌膚積白不解隨後生熱發癢故癢熱
之中濕火混化為蟲形隨濕化動隨火化此無情而之有情也既
化之後潛隱皮膚展轉攻行發癢鑽刺化化生生傳遍肢體近則
變為疥癬久則變成頑風多致皮膚枯槁浸淫血脉搔癢無度得
湯方解外以綉毬丸搽擦堪為止癢殺蟲內服消風散亦可散風
涼血必得兼戒口味辛熱莫啜忌洗熱湯其煩自脫此為小恙不
當陳說閑中之言隨筆而白

消風散

消風散內歸生地
胡麻知母牛蒡子

蟬蛻荆防芥苦參
石膏甘草木通行

治風溼浸淫血脉致生瘡疥搔癢不絕及大人小兒風熱癩疹遍
身雲片斑點乍有乍無並効

當歸

生地

防風

蟬蛻

知母

苦參

胡麻

荆芥

蒼朮

牛蒡子

石膏

錢各一

甘草

木通各五分

水二鍾煎八分食遠服

當歸飲子

當歸飲子芍芎芪甘草何首烏荆芥

生地防風白疾藜諸風瘡痒服之宜

治血燥皮膚作癢及風熱瘡疥搔癢或作疼痛

當歸

川芎

白芍

生地

防風

白疾藜

荆芥

何首烏

各二分錢

黃芪

甘草

各五分

水二鍾煎八分食遠服

綉毬丸

綉毬丸內用樟冰雄黃枯礬楓子肉

輕粉川椒共水銀諸瘡痒疥擦安寧

治一切乾溼疥瘡及膿窠爛瘡癢瘡無度者效

樟冰

輕粉

川椒

枯礬

水銀

雄黃

各二分錢

楓子肉

一百枚另碾

以上共為細末同大楓子肉再碾和勻加栝油一兩化開和藥攪



勻作丸圓眼大於瘡上擦之

諸瘡一掃光 諸瘡一掃光 硫磺 水銀 楓子 樟冰 等

木蟹床 椒砒 苦參 烟膠 枯白 礬 輕粉

此藥凡治癢瘡不論新久及身上下或乾或溼異類殊形但多瘡少痛者並宜用之俱各有效

苦參 各一 烟膠 升一 木蟹肉 蛇床子 點紅椒

明礬 枯礬 硫黃 楓子肉 樟冰 水銀

輕粉 各三 白砒 錢五

共為細末熟猪油二觔四兩化開入藥攪勻作丸龍眼大磁瓶收貯用時擦瘡患上二次即愈

洗癢瘡方 洗痒瘡方只二服 河水煎湯頻沐浴

苦參猪膽共相攪 管教諸痒即當安

苦參半觔切片用河水三四瓢煎藥數滾叅水二瓢住火片時瀘去渣臨洗和公猪膽汁四五枚攪勻淋洗瘡上三日一洗三次亦



可痊愈矣

臙瘡論第七十四

臙瘡者風執溼毒相聚而成有新久之別內外之殊新者只用三香

膏乳香法紙貼之自愈稍久紫黑者以解毒紫金膏搽扎漸可又

年久頑臙皮肉烏黑下陷臭穢不堪者用蜈蚣錢法去風毒化瘡

腐方可得愈外臙多服四生丸內臙多服腎氣丸妙

三香膏

三香骨內乳松香
葱湯薰洗方貼扎

輕粉油調紙內藏
何拘新久爛臙瘡

治臙瘡初起多疼少癢未經受風紫黑者宜用

乳香

松香

輕粉各等分

右為細末香油調稠用夾紙一面以針密刺細孔將藥夾搽紙內

先以葱湯洗淨將紙有孔一面對瘡貼之三日一換自效忌房事

煎炒等件



乳香法紙

乳香法紙有奇功
功在輕粉相協力

疼痛膿瘡欲此逢
三朝一換笑顏濃

治膿瘡作痛不愈先用乳香碾細末一兩聽用以呈又油紙四張
每紙一張攤平篩乳香末二錢五分勻篩紙上雙折捲一寸闊將
捲紙復作三折兩頭以線扎之用甘草一兩二錢水三碗將捲過
藥紙浸八甘草湯內上用重物壓之煮數滾取起紙來解去扎線
將紙攤開桌上每張用輕粉三錢摻乳香上用棕糊刷排刷相勻
提起藥紙帶濕以無藥一面對板壁上貼之陰乾收用臨時隨患
大小剪紙多少先用溫湯洗瘡隨將紙有藥一面對瘡貼之絹扎
三日一換自然止痛生肌如貼後內無水出不必換貼自愈

蜈蚣錢

蜈蚣錢治久順膿
甘草加上同熬就

獨活桐油白芷煎
傾入瘡中黑腐痊

治膿瘡多年黑腐臭爛作疼諸藥不效者用桐油二兩獨活白芷
甘草蜈蚣各一錢入油內煎滾先將膿上洗淨用白麵水調作圈

圍在瘡之四邊毋令泄氣走油將腳放平以茶匙挑油漸漸乘熱加滿待油溫取去已後腐肉風毒自然脫下用解毒紫金膏擦上紙蓋絹扎三日一換

解毒紫金膏 見結毒門

治膿瘡毋論新久及頑瘡年久不愈者並用之

四生丸

四生丸療久膿瘡地龍白附薑蚕等

骨節多疼舉動妨草烏靈脂莫相忘

治外膿血風頑瘡骨節疼痛不能舉動或行步不前或渾身疼癢或麻痺不仁或生班疹並效

地龍 去土

薑蚕 炒去絲

白附子

五靈脂

草烏

去皮尖炮各等分

右為細末米糊丸桐子大每服三四十九食前茶酒任下

腎氣丸 見肺癰門

血風瘡第七十五



血風瘡乃風熱溼熱血熱三者交感而生發則搔癢無度破流脂水
自漸沿開甚者內服消風散加牛膝黃柏外搽解毒雄黃散或如
意金黃散俱可敷之如年久紫黑堅硬氣血不行者用針砭去黑
血以神燈照法熏之以解鬱毒次以前藥敷之方效

解毒雄黃散

治風 流注腿腳致生血風頑瘡紫黑瘙癢者

雄黃四兩 硫黃八兩

右二味共碾細末栢油調搽紙蓋之三日一換

如意金黃散見腫瘍門

治症同前用公猪膽汁調稠敷患上油紙蓋扎勿動待其自脫脫

後色紅再敷之以色白為度

神燈照法見腫瘍門



治年久紫黑血風頑瘡流水作癢不絕先用葱湯洗淨患上點火

以燈焰薰之每薰三搥為度

涼血消風散

見疥瘡門

頑癬第七十六

頑癬乃風熱溼蟲四者為患發之大小圓斜不一乾濕新久之殊風

癬如雲朶皮膚嬌嫩抓之則起白屑濕癬如蟲形搔之則有汁出

頑癬抓之則全然不痛牛皮癬如牛項之皮頑硬且堅抓之如朽

木馬皮癬微癢白點相連狗皮癬白斑相簇此等總皆血燥風毒

尅於脾肺二經初起用消風散加浮萍一兩葱鼓作引取汗發散

久者服首烏丸蠟礬丸外擦土大黃膏用槿皮散選而用之亦可

漸效

土大黃膏

土大黃膏用白礬川椒三味研成末

硫黃八兩共加參頑癬搽之效不難



南京中醫藥大學圖書館版權所有

治乾溼頑癬不論新久但皮膚頑厚串走不定惟癢不痛者

硫黃^{八兩} 生礬^{四兩} 點^工系川椒^{二兩}

右各為末用土大黃根搗汁和前藥調成膏碗貯新癬抓損擦之
多年頑癬加醋和擦如日久藥乾以醋調擦牛皮癬用穿山甲抓

損擦之妙

頑癬必效方頑癬必效川槿皮
斑貓大黃百藥煎

輕粉雄黃巴豆宜
陰陽水和海桐皮

治多年頑癬諸藥薰擦擦洗不效者用之即愈全蠶司

川槿皮^{四兩} 輕粉 雄黃^{各四錢} 百藥煎^{四餅} 斑貓^{全用} 一錢

巴豆^{去油} 錢五分 大黃^{二兩} 海桐皮^{二兩}

右為極細末用陰陽水調抓損敷藥必待自落

又頑癬方頑癬方中川槿皮
再如七個楓子肉 斑貓^{輕粉各相宜} 新筆塗將患處醫

川槿皮^{二錢} 輕粉^{五分} 斑蠶^{七個} 大楓子^{七個}



河井水共一鍾煎一半露一宿筆蘸塗之

頑癬浮萍丸

浮萍丸內用鈎藤
薑蚕蒼耳葉菴草

菴草黃芩共苦參
酒丸服下可回春

紫背浮萍

菴草

蒼耳草

各二兩

元參
兩四

黃芩

薑蚕

各一兩

鈎藤

五錢

菴草

二兩

共為末酒糊丸白滾湯每服二錢隨病上下服

膿窠瘡第七十七

膿窠瘡乃肺經有熱脾經有溼二氣交感其患先從水泡作癢後變

膿泡作疼所成膿窠瘡也甚者清熱散風涼血除溼治之涼血消

風散是也外以蛇床子散或諸瘡一掃光搽之亦效兼戒口味自

愈

蛇床子散

蛇床子散用黃丹
大黃加上松香末

輕粉枯礬風肉良
麻油調治濕膿瘡

治膿窠瘡生於手足遍身根硬作脹癢痛非常



蛇床子

大楓子

肉松香

枯礬各一兩

黃丹

大黃

各口一錢

輕粉三錢

右為細末麻油調搽溼爛者乾搽之

膿窠又方

膿窠方中用石膏加枯礬能燥濕

黃栢

一兩以公猪膽汁搽之火上炙三錢

石膏一兩

輕粉二錢

黃丹

枯礬

各口一錢

右為末麻油調搽濕者乾搽

應用方

涼血消風散

凍風第七十八

諸瘡一掃光

俱見疥瘡門

凍風者肌肉寒極氣血不行謂肌死患也初起紫斑久則變黑腐爛

作膿者以碧玉膏主之生肌歛口



碧玉膏 見結毒門

治凍風皮肉損爛膿血淋漓疼痛不止者用之

獨勝膏

獨勝膏來最散寒六月每逢三六日

凍風凍耳一般安搽之冬凍不相干

治凍風凍跟凍耳每遇冬寒則發六月初六十六二十六日用獨
蒜搗膏日中曬熱在於遇冬所發之處擦之忌下湯水一日共擦
三次不發又每常凍風用茄根同葱煎湯浸洗再不重發

火丹第七十九

火丹者心火妄動三焦風熱乘之故發於肌膚之表有乾溼不同紅
白之異乾者色紅形如雲片上起風粟作瘡發熱此屬心肝二經
之火治以涼心瀉肝化斑解毒湯是也溼者色多黃白大小不等
流水作爛又且多疼此屬脾肺二經溼熱宜清肺瀉脾除溼胃苓
湯是也腰脇生之肝火妄動名曰纏腰丹柴胡清肝湯外以栝葉



散如意金黃散敷之

化斑解毒湯

化斑解毒湯石膏黃連升麻牛蒡等

元參知母共連翹甘草人中黃更高

治三焦風熱上攻致生火丹延及遍身癢痛者

元參 知母 石膏 人中黃 黃連 升麻

連翹 牛蒡子 各等分 甘草 五分

水二鍾淡竹葉二十片煎八分不拘時服

除溼胃荅湯

除溼胃荅湯陳皮防風澤瀉猪荅等

草朴二木滑山梔木通薄桂赤荅居

治脾肺二經溼熱壅遏致生火丹作爛疼痛者

防風 蒼朮 白朮 赤荅荅 陳皮 厚朴

猪荅 山梔 澤瀉 木通 滑石 各一錢 甘草

薄桂 各二分

水二鍾燈心二十根煎八分食前服



栝葉散

栝葉散中蚯蚓糞
加上黃栝水調敷

赤豆大黃共輕炒
火丹疼痛何須問

治三焦火甚致生火丹作癢或作痛延及遍身

金鑑同

側栝葉

炒黃為末五錢

蚯蚓糞

韭菜田內者佳

黃栝

大黃

各五錢

赤豆

輕粉各三錢

右為細末新汲水調搽

纏腰火丹方用寶鈔一張燒化存性研為細末用米醋調稀雞翎蘸

塗患上二日三次即愈忌食發物

如意金黃散

見腫瘍門

治火丹不論新久癢痛用新汲水調敷靛汁好

天泡第八十

天泡者入心火妄動脾溼隨之有身體上下不同寒熱天時微異上體者風熱多於溼熱宜涼血散風下體者溼熱多於風熱宜滲溼



為先外用胡粉散石珍散搽之自愈此不早治變為頑風紫癩難

痊

解毒瀉心湯

解毒瀉心湯芩連
山梔滑石元參草

荆防牛子石膏全
木通知母共相煎

治心經火旺酷暑時臨致生天泡發及遍身者

黃連

防風

荆芥

山梔

黃芩

生芫子

滑石

元參

知母

石膏

甘草

木通

水二鍾燈心二十根煎八分食後服

清脾甘露飲

清脾甘露飲茵陳
麥冬澤瀉蒼朮枳殼

木地翹苓梔赤苓
元明粉草共燈心

全鑑名清涂濕飲
脾濕

治脾經濕熱鬱遏乃生天泡下體多而疼痛者

白朮

赤茯苓

山梔

茵陳

麥門冬

生地

黃芩

枳殼

蒼朮

澤瀉

連翹

甘草

元明粉各等分



水二鍾竹葉燈心各二十件煎八分食前服

胡粉散

胡粉散治天泡瘡
蛤粉共將研細末

杭粉輕粉石膏當
絲瓜汁和效無雙

治天泡紅腫發熱急脹疼痛用針挑破搽此藥

杭粉兩一

輕粉

石膏煨

蛤粉各三錢

共研極細搗乾患上用此搽之或用絲瓜葉搗汁調搽亦好如冬

月無此用染布青缸汁調搽

石珠散

石珠散中煨石膏
青黛再添黃柏末

遠兼輕粉不相燒
將來一搽即然消

治天泡日久作爛疼痛不已膿水淋漓者宜用

石膏煨

輕粉各二兩

青黛

黃柏末

各三錢

右共研細甘草湯洗淨以此藥搽之其疼即止

肺風粉刺酒皰鼻八十一

肺風粉刺酒皰鼻三名同種粉刺屬肺被鼻屬脾總皆血熱鬱滯不



北京中醫藥大學圖書館版權所有

散所謂有諸內形諸外宜真君妙貼散加白附子敷之內服枇杷

葉升黃琴清肺飲

枇杷葉丸

枇杷葉丸天花粉
肺風粉刺種微鼻

甘草黃琴酒泛丸
三症吞之俱可安

治肺風粉刺鼻皴初起細色久則肉飽發腫者

枇杷葉

去毛刺
八兩

黃琴

酒炒
四兩

甘草

一兩

天花粉

四兩

共為末新安酒泛丸桐子大每服一錢五分食後併臨睡時白滾

湯茶湯俱可送下忌火酒煎炒

黃琴清肺飲

黃琴清肺飲芎歸
連翹乾葛天花粉

赤芍防風生地
薄荷紅花粉刺施

治症同前

川芎

當歸

赤芍

防風

生地

乾葛

天花粉

連翹

紅花各一
錢

黃琴

二錢

薄荷

五分

水二鍾煎八分食後服用酒一杯過口



真君妙貼散 見腫瘍門

治肺風粉刺皴鼻紅赤紫腫早晚用凉水調敷

雀斑第八十二

雀斑乃腎水不能榮華於土火滯結而為斑當以六味地黃丸以

化源外以玉容丸早晚擦洗漸愈

玉容丸

玉容丸梔薤獨樹
芫薹椒檀蚕蒙木

刺礬辛奈芷麻風
陀僧紅棗菊花逢

治男婦雀斑酒刺及身體皮膚麤糙並用此洗與金鑑不同

甘松

山柰

細辛

白芷

白薇

白芨

防風

荆芥

薑蚕

山梔

藜蘆

天麻

羌活

獨活

陀僧

枯礬

檀香

川椒

菊花

各一錢紅棗肉 七枚

以上共為細末用去淨弦膜肥皂一斤同搗作丸如秋冬加生蜜



五錢如皮膚癢搗加牛骨髓三錢早晚洗之肌膚自然榮潔如玉

溫潤細膩

玉肌散

玉肌散用生菘豆
三味還兼白附子

滑石白芷研成就
肺風酒刺真不謬

一切風溼雀斑酒刺白屑風皮膚作癢者並效

菘豆

升半

滑石

白芷

白附子

各一錢

共為細末每用三匙早晚洗面時湯調洗患上

六味地黄丸

見肺癰門

油風第八十三

油風乃血虛不能隨氣榮養肌膚故毛髮根空脫落成片皮膚光

癢如蟲行此皆風熱乘虛攻注而然治當神應養真丹服之外以

海艾湯薰洗並效

海艾湯

海艾湯中甘菊花
甘松藁本葛荆子

防風薄荷藿香加
荆芥同煎效可誇



治油風血虛風熱所致皮膚光亮屑髮脫落者

海艾

菊花

薄荷

防風

藁本

藿香

甘松

蔓荊子

荆芥穗

各二錢

用水五六碗同藥煎數滾連渣共入瓶口鉢內先將熱氣薰面俟湯溫蘸洗之留藥照前再洗

神應養真丹

見鶴膝風門

治風寒暑濕襲於三陽部分以致血脉不能榮運肌膚虛癢發生屑髮脫落皮膚光亮者服之

白屑風第八十四

白屑風多生於頭面耳項髮中初起微癢久則漸生白屑叠叠飛起脫之又生此皆起於熱體當風風熱所化治當消風散面以玉肌散擦洗次以當歸膏潤之髮中作癢有脂水者宜翠雲散搽之自



愈

祛風換肌丸

換肌丸用石菖蒲甘草靈仙蒼米等

牛膝胡麻參首烏芎歸花粉共相須

治白屑風及紫白癩風頭風頭癩溼熱瘡疥一切諸瘡搔癢無度

日久不絕愈之又發宜服之

威靈仙

石菖蒲

何首烏

苦參

牛膝

蒼米

大胡麻

天花粉

各等分

甘草

川芎

當歸

減半

右為未新安酒泛丸菜豆大每服三錢白湯送下忌牛肉火酒雞

鵝羊等發物

消風散

見疥瘡門

翠雲散

見楊梅瘡門

玉肌散

見雀斑門

潤肌散

見自脫瘡門

耳病第八十五

耳病乃三焦肝風交動而成大人由虛火實火之分小兒有胎熱胎



恐

風之別虛火者耳內蟬鳴或兼重聽出水作癢外無焮腫此屬虛火妄動之症也四物湯加牡丹皮石菖蒲及腎氣丸王之寶火者耳根耳竅俱腫甚則寒熱交作疼痛無時宜柴胡清肝湯治之又

紅綿散

紅綿散內用枯礬小兒耳內流膿疾

麝香脂在其間一搽將來換笑顏

愈如月外不瘥以紅綿散治之則安矣
治耳內流膿腫痛已消膿尚不止方用此搽之

枯礬上白乾胭脂二錢麝香一分

共研極細末磁罐收貯先用綿裹絞盡耳內膿溼綿裹滾藥送入

耳底自愈



聰耳蘆薈丸

聰耳蘆薈丸木香
山梔青黛南星等

芩歸胆草與大黃
此麝香皮共此良

治肝膽有火耳內蟬鳴漸至重聽不聞聲息者

蘆薈

大黃蒸熟

青黛

柴胡各五錢

龍膽

當歸

山梔

青皮

黃芩各一兩

木香一錢

南星三錢

麝香五分

右為末神麵糊為丸菜豆大每服二十一丸食後薑湯送下日服

三次漸效

柴胡清肝湯

梔子清肝湯

俱見鬚
疽門

四物湯

見潰瘍門

腎氣丸

見肺癰門

漆瘡第八十六

漆瘡由來自異有感而弗感也俗稱木生人感之非也但漆乃辛熱

火象有毒之物人之皮毛腠理不密故感其毒先發為癢抓之漸

似隱疹出現皮膚傳遍肢體皮破爛斑流水作痛甚者寒熱交作



宜莖菜汁調三白散塗之服化班解毒湯忌浴熱水兼戒口味不
然變為頑風癬癩愈而又發者多矣

三白散

三白散中輕粉調
調擦必用生非汁

石膏杭粉不須饒
敷上漆瘡頂刻消

杭粉

兩一

石膏

錢三

輕粉

錢五

各為末莖菜汁調敷紙蓋如無菜汁涼水調敷

化班解毒湯

見火
舟門

竹木刺第八十七

竹木刺外八之患有軟硬之分淺深之異軟淺者以針頭撥見刺形
拔出則愈硬深難出者用螻蛄搗爛塗刺上一時許其刺自然吐
出取去之則愈矣

花蕊石散

見跌
撲門

治竹木刺傷腫痛流膿以葱湯洗淨用此搽之



瘰癧瘡第八十八

瘰癧者密如撒粟尖如芒刺癢痛非常渾身草刺此因熱體見風毛

竅所閉宜服消風散洗用苦參湯甚者皮損匝匝成瘡以鵝黃散

軟絹帛蘸藥撲之

苦參湯

苦參湯用大菖蒲
臨洗再加猪胆汁

河水煎來患上瘰
有效諸痒白然瘰

治瘰癧瘡作癢抓之又疼坐如芒刺難以安睡用苦參四兩大菖

蒲二兩蒲水五瓢同煎數滾添水二瓢蓋片時臨洗和八公猪膽

汁四五枚淋洗患上不二三全愈後避風忌食發物

鵝黃散

鵝黃散用真豆粉
滑石相兼研細末

黃栢又將輕粉稱
收乾止痛遂人心
同與金鑑不

治瘰癧瘡作癢抓之皮損隨後又疼用此撲之與金鑑不同

菜豆粉

一兩滑石
錢五

黃栢

錢三
輕粉
錢二

右為細末以軟絹帛

蘸藥撲於患上止痛收乾

消風散見瘡門

卷之十終

